



**106**  
**KUREJŠ / KUREJŠIJE**  
**OBJAVLJENA U MEKI, IMA 4 AJETA**

بِسْمِ اللَّهِ الرَّحْمَنِ الرَّحِيمِ  
لَا إِلَهَ إِلَّا اللَّهُ ۚ لَهُ الْمُلْكُ يَوْمَ يُنْفَخُ ٱلسَّمَاءُ ٱلصَّٰفِيَّةُ ۚ فَٱلْيَعْبُدُوٓا  
رَبَّ هَٰذَا ٱلْبَيْتِ ۚ ٱلَّذِي أَطْمَأٓنَنَّا مِنْ جُوعٍ وَءَامَنَهُمْ مِنْ خَوْفٍ ۚ

**"U ime Allaha, Svemilosnog, Milostivog!"**  
**"Zbog navike Kurejšija" /1/ "navike njihove da zimi i ljeti putuju", /2/ "neka oni Gospodaru ove Kuće robuju", /3/ "Koji ih gladne hrani i od straha brani." /4/**

**"Zbog navike Kurejšija"**, tj. zbog njihovog skupljanja sastajanja i sigurnosti u njihovom gradu. **"...navike njihove da zimi i ljeti putuju."** Neki kažu da to znači: zbog njihove navike da zimi putuju u Jemen, a ljeti u Šam, zbog trgovine i sl. i da se na svome povratku kući vraćaju sigurni. Što se tiče njihovog sigurnog boravka u Gradu /tj. Meki/, o tome Allah Uzvišeni na drugom mjestu kaže:

**"Zar ne vide da smo Harem sveti i sigurnim učinili, dok se svuda oko njih otima i pljačka?"**

On ih zatim poučava da na ovoj velikoj blagodati budu zahvalni, pa kaže:

**"...neka oni Gospodaru ove Kuće robuju"**, tj. neka samo Njega obožavaju, kao što Uzvišeni na drugom mjestu kaže:

**"Ja sam primio zapovijest da robujem jedino Gospodaru ovoga grada, Koji je On učinio svetim - a Njemu sve pripada - i naređeno mi je da budem predan (musliman)." (27:91)**

**"...koji ih gladne hrani"**, tj. Gospodar Kabe

**"...i od straha brani"**, tj. On je Taj Koji im daje da su sigurni, pa neka samo Njega obožavaju i neka Mu nikoga ravnim ne smatraju i neka mimo Njega nikakve kipove i idole ne obožavaju. Zato onome ko se odazove ovoj zapovijedi, Allah da i ovaj i onaj svijet, a onome ko Mu bude neposlušan, oduzme i jedno i drugo. Tako Uzvišeni kaže:

**"Allah navodi kao primjer grad, siguran i spokojan, kome je u obilju dolazila hrana sa svih strana, a koji je nezahvalan na Allahovim blagodatima bio, pa mu je Allah zbog onoga što je radio dao da iskusi i glad i strah. I njima je došao Poslanik, jedan od njih, ali su ga oni**

**lažljivcem nazvali, i njih je stigla kazna zato što su nepravedni bili." (16:112-113)**

**Ovim se,**  
**uz Allahovu zahvalu i pomoć,**  
**završava kratki komentar**  
**poglavlja "Kurejšije".**

